Item, come il duca di Savoia ha scrito al papa, quelli Cantoni lutherani lo molestano molto sia con lhoro, et dice, non hessendo aiutato da li principi christiani, et vol 200 milia ducati, non potrà resister che non se acordi: per il che il papa ha ditto bisogna aiutarlo, videlicet Soa Santità darà 40 milia ducati, tanxa Cesare 40 milia, il re di Franza 40 milia, il re d'Ingalterra 30 milia, la Signoria nostra 30 milia, et 30 milia il re di Romani.

Item, serive coloquii, ha auti esso orator nostro con il papa, qual li ha ditto aver aviso, la Signoria vol dar li possessi a li do cardinali Trane et Cesis, et non a li altri, che saria cosa che li dispiaceria molto, con altre parole, ut in litteris. Item, per quella di 20 scrive, zercha far vescovo di Pago, che mai non è stato, et Pago è sotto l'arzivescoà di Zara, et che l'arziepiscopo di Zara, domino Francesco da Pexaro, non vol consentir per modo alcuno. Scrive, è zonto lì a Roma el vescovo di Orsera orator dil re Christianissimo. Serive di la cometa aparsa de li, et molti fanno di questo prodigio varii judicii.

Da poi disnar, fo Gran Conseio; non fu el Serenissimo, nè fatto cosa di conto.

A dì 25, la matina. In Quarantia Criminal fo messo parte, per li Avogadori extraordinarii di Teraferma, di perlongar e rinovar il salvoconduto, fu fato per 4 mesi et è compido, et farlo per 6 mesi, a Andrea dil Cortivo et Zuan Batista Constantini, i quali si offerisseno trovar gran cosse in beneficio di la Signoria. Parlò sier Alvise Badoer. Li contradise sier Marchiò Zane XL. Li rispose sier Anzolo Gabriel avogador. Andò la parte: 13 di si, 21 di no, 2 non sincere, et fu preso di no.

Da poi disnar, fo Conseio di X con la Zonta, et preseno molte parte non di momento, videlicet erro, the consessons of the

Fu preso, nel Conseio simplice, che uno . . . , da Moncelese, di . . . , qual à ditto villania a sier Andrea Gradenigo podestà de lì, e fato il processo, sia retenuto etc.

Fu preso, nel Conseio di X, atento che uno Domenego Scaramella olim scrivan a Signori di Note, erra in l'Armamento et fin do anni compiva il confin, venisse questa matina ai Cai di X a dirli come sier Polo Justinian, è in l'Armamento, capo, con li altri rompevano la prexon, et li veniva fata, et ussirano per la chiesiola rota apreso la scala va in Gran Conseio, unde li Cai mandono a veder et trovono esser cussi, et messeno el Justinian in la

preson Schiava ch'è forte et cativa, et ozi nel Conseio di X simplice preseno di asolver di do anni el sopraditto Priamo, e cussi fo cavà de preson.

Da Bruxelle, di sier Nicolò Tiepolo el dotor, orator, di 9 et 11 di questo. Scrive prima come erra stato con Cesare a ringratiarlo di aver scrito per la liberation di domino Zorzi Griti, qual è zonto in questa terra. Serive, l'imperator erra stà indisposto, dubitavano di quartana, ma è varito. Item, che li oratori di Soa Maestà, stati al ducha di Geldria per far el matrimonio et . . . , erano tornati re infecta. Che l' havia mandato li forieri a preparar li alozamenti a Spira, ma non si sa ancora quando Soa Maestà voi partir.

In questa matina, reduto il Colegio di sier Polo 288* Nani, comenzono a lezer quello ha riportà sier Anzolo Gabriel avogador extraordinario, stato fuora a examinar li testimonii per li rei, et spazono di Collegio sier Francesco Gritti, fo pagador in campo, di sier Domenego, e cussì si anderà redugando a compir di lezer.

Noto. Il formento cresse, padoan lire 7, la farina lire 9, la padoana, in fontego, e dil Polesene lire 8 soldi 12.

A dì 26, la matina. Non fu alcuna lettera. Vene l'orator dil duca di Urbin per quello à per il suo Signor, di noze vol far de soa fia nel duca di Montealto cugnato dil marchese dil Guasto.

Fu leto le varie oppinion da esser messe ozi in Pregadi, in materia di ogii.

Da poi disnar, fo Pregadi, et leto le lettere di Bruxele, et di Roma et di Ragusi, di sier Piero Zen va orator a Constantinopoli, di.5. Dil suo zonzer lì, et

Fu posto, per li Savii, da poi leto una scritura di frati di Corizuola vol tratar acordo, et sia comessa la cosa ai provedadori sora le Aque, per tanto messeno darli autorità che i tratasseno et poi venisseno a referir a questo Conseio. Et sier Andrea Trivixan el cayalier, è sora le Aque, andò alla Signoria. Non fo mandà la parte.

Fu posto, per i Consieri, Cai di XL, sier Andrea Trivixan el cavalier, sier Francesco di Prioli procurator, provedadori sora i Monti, che de li danari hanno in cassa debbano comprar cavedali di Monte novissimo e dil Subsidio a ducati 62 il 100, in loco di cavar boletini, ma si buti la rata che resta, ducati 150 milia, et haverano a raxon di 12 per 100. et, non volendo quelli, redur li cavedali a ducati 83 grossi 6 il 100. Ave: 122, 51, 3,